





5 ←

- Այնուհանդերձ, ի՞նչ տուժումներ կատաղարկեիք գիտությունը, այսպես ասած՝ վրկեչու համար:

- Եման իրավիճակից դուրս գալու համար նախնատաղ պետք է պետությունը գնահատի, թե իրեն ինչո՞ւ է պետք գիտությունը, ո՞րն է գիտության նշանակությունը երկրի տնտեսության և անվտանգության համար: Պետք է հատկորեն ստեժանվեն գիտության զարգացման գերակայությունները, որոնք, քնակաճարար, պետք է ելնեն տնտեսության զարգացման խնդիրներից: Այնուհետ անհրաժեշտ է մշակել որոշակի ստրատեգիա, թե մեր գիտությունն ի՞նչ է լինելու 10 տարի հետո, ինչպես նաև համապատասխան ռազմավարական միջոցներ և մեխանիզմներ, թե այդ նպատակներին ինչպես պետք է հասնել: Ի վերջո, ինովացիոն կառուցվածքների ստեղծումը, որը թույլ կտա գիտական արդյունքը մրցունակ արտադրանք դարձնելու: Եվ կարևորագույն խնդիրը, որ մենք այսօր ունենք գիտության ոլորտում, սերնդափոխությունն է: Դրա համար գիտական աշխատանքը պետք է վերստին հարգվի ու դառնա գրավիչ, ինչի համար հարկավոր են նյութական նախադրյալներ: Ռուսաստանում գիտնականների աշխատավարձն արդեն բարձրացրել են: Այնտեղ արդեն մրցակցություն է տիրում: Օրինակ, Ռուսաստանի Ակադեմիայի ասպիրանտուրայի համակարգը տարեկան 30.000 շրջանավարտ է ունենում, որոնք ոչ

բոլորն են աշխատանք գտնում, քանի որ այդպիսի աշխատատեղերը սահմանափակ են: Մինչդեռ մեզ մոտ պատկերը ճիշտ հակառակն է՝ ունենք ցածր վարձատրվող հետազոտական աշխատատեղեր, որոնք հաճախ չենք կարողանում համալրել երիտասարդ գիտաշխատողներով: Այսօր, երբ մեզ մոտ գիտությունը պահանջարկված չէ տնտեսության կողմից, հատկապես կարևորվում է մեր գիտության միջազգայնացումը, ինտեգրացումը միջազգային համակարգերում, ելքը դեպքի միջազգային շուկա, ինչը նույնպես պետության խնդիրն է:

**- Լավատե՞ս եք:**

- Ի ծնե լավատես եմ: Նույնիսկ այսպիսի պայմաններում, երբ գիտնականը հանրայնորեն և պետության կողմից մոռացված է, յուրաքանչյուրը պետք է շարունակի իր գործով զբաղվել, իրագործի իր սեփական առաքելությունը:

**- Ի դեպ, վերջին անգամ ե՞րբ եք գիտական միջազգային համաժողովի մասնակցել:**

- Անցյալ տարի վերակոնֆիգուրացվող ռոբոտների մասին իմ աշխատությունը Անգլիայում ներկայացվեց միջազգային խոշոր համաժողովին և հրատարակվեց, թեև չկարողացա գնալ:

**- Իսկ ինչո՞ւ չգնացիք:**

- Ֆինանսավորման բացակայության պատճառով...

**Հարցազրույցը՝  
ՄԱՐԻՆԵ ՄԱՐՏԻՐՈՍՅԱՆԻ**